


IFIMONWA FYA KWA

WILLIAM BRANHAM

 Iyi tepu ilepangilwa u Bufumu bwakwa Lesa, ilyo Ndeipela kuli Munyina Lee Vayle pakuti ikapangwe mwibuuku. Munyina Vayle alinjipusha, pano pacinso cakwa Munyina Mercier, uku—ukupela fimo ifimonwa ifyacitike. Mucine, ifimonwa uko nga...Ine...i-...Cimo pa fintu ifyakubalilapo ifyo Ningebukisha, fimonwa, ukwisa. Ifimonwa filesa inshita yonse. Lelo panuma yakupilibulwa kwandi epo Ndetontokanya imwe mwali abakabila, Munyina Vayle.

² Ukuba, Ndeibukisha, panuma yakulashikwa Kwandi muchalichi, chalichi ca Baptisti, kuli Dokota Roy Davis, kuno ku Wattu Street mu Jeffersonville, uko chalichi candi cali pali ilya nshita. Ndeibukisha icimonwa cimo ico njbukisha nganshi, tacali milungu inono panuma ukwandi...palwa i...kuti Natila, cali ninshiku ishinono panuma yakulashikwa kwandi. Nali...namwene icimonwa ica mwaume umukalamba uyo uwalambalele mucipatala, uyo uwafungawilwe. Aali muntu wafita. Kabili alyundepwe ilyo line, icakutila calengele icimfulunganya icingi. Kabili aishile ima ukufuma mubusanshi nokwenda ukufumapo.

³ Kabili inshiku shibili, nalimo inshiku shibili, panuma yaico, Naleputaula ukupelwa kwafintu, kuli abo abashalelipila mu New Albany, amenshi, gasi, ne—nenkongole shamalaiti. Kabili cena...Nalishushiwemo nensansa! Lyonse ilyo Nasanga ing'anda yakale, Naleinghilamo nokupepa, namwishiba, umushaleikala abantu.

⁴ Kabili Ndeibukisha ukweba Mista Johnny Potts, uyo uli uwamweo ileelo. Ali mupepi, Ndemona, ku makumi cinelubali nangu imyaka ya kufyalwa amakumi cinekonse konse. Ena ali nikabelenga uwakamashini kafipendo uwakale. Kabili balimifumisheko kukubelenga kamashini ilyo, kabili bamubikile petebulo, ukutila alepokelela abantu abali nefyakuilishanya nefintu, ilyo muleingila pamwinshi, nokupokelela amalamy. Kabili Nalemweba ifyo Shikulu anangishe. Kabili ena, limo limo, aletola tumashini utwalekeleshiwa uto uyo muntu abombelako alesha. Kabili muli ici, a—aleeba, umuntu... .

⁵ Ico, Namwene mwipepala, uko bakwete iceleta ilyakale... Muli shilya inshiku, baenseshe bakabalwe babili, kabili balesenda ing'ungulu ne fisoso, munshila shapakati kafikulwa. Kwaliko umwaume uwafita umukote uweshina lya Mista

Edward J. Merrell. Aikele pa 1020 mumusebo wa Clark Street mu New Albany. Kabili apunkilwe kubantu babili ababuta, uyo wali umukashana uwabuta no—no mulumendo, abaleensha motoka. Kabili alifililwe ukukontolola motoka, kabili yaishile mwingishisha mumupeto weceleta. Kabili cena cakontawile amafupa yonse mumubili wakwe, mupepi, kabili bena baingile muciputulwa cakwe icacifuba, ukucilapo. Cafumishe inuma yakwe ukufuma muncende umu yaba. Kabili bamubikile mucipatala, calibipile nganshi.

⁶ Kabili Mista Potts, alepita mu—mucipatala kulya mu New Albany, amwebele palwa kwa Shikulu ukubomba naine. Kabili alintumine ukwisa, ku kumupepelako. Kabili ilyo line fye, Natontonkenye ukutila, “Ulya e muntu uo Namwene muli ici cimonwa.”

⁷ E ico, Na—Nali nomwenso panono ukuya, pantu ulya ali umu uwakubalilapo wandi, mwamona, ukuya ngefyo. E ico, lelo, nangu cibe fyo, Nalile nokusenda cibusa wandi, uyo uwasumine fye, umulumendo umunono umu French uwitwa George DeArk. Kabili elyo Namutungulwilefye kuli Kristu. Kabili twaile kulya. Kabili Natile, “Nomba, Munyina George, Nde—Nde—Ndefwaya wibukishe. Ifi fintu ificitika kuli ine, Tekuti mfiluke fyena. Lelo, uleibukisha, uyu muntu aleundapwa. Kabili ilyo ena aleundapwa, kuli...Ine tekuti umupepeleko mpaka abantu babili ababuta baisa nokwiminina kulubali lumbi ulwa busanshi, pantu Ningile ukucitila mumusango calangilwe kuli ine.”

⁸ Kabili Nalile ku—ku chipatala nokwipusha palwa kwa Mista Merrell. Kabili Nalile kulya, kabili umukashi wakwe anjebele ukutila ali uwalwalisha nganshi. Kabili ena tekuti asele pantu mashini yakopele iya x-ray yalilangishe ukutila yamo pali aya mafupa yalifye mupepi napwapwa. Kabili nga cakuti aselele, mulandu nshi, yena kuti, limbi kuti yatunga muli bapwapwa bakwe nokulenga asuma umulopa ukufika nakumfwa. Kabili ena aali mumusango wabipa nganshi. Kabili kumukolomino kwaleswa umulopa panono, nafimbipo, pantu umulopa walishingulwike akanwa. Alambalele palya panshiku shibili. Kabili uyo umwaume aali, pali ilya nshita, nalimo imyaka ya kufyalwa amakumi mutanda na yasano, Ndemona, amakumi mutanda nangu amakumi mutanda na yasano. Umwaume umukalamba; imyefu yakwe iitali, yasangwike iyabuuta. Kabili nomushishi wakwe wali uwamfwi.

⁹ Kabili Nalingile nokweba uyu mwaume, nangula, icimonwa ico Namwene ukufuma kuli Shikulu. Kabili balya bantu abacaice balishile, abo abamupunkile. Kabili Nalifukeme kukumupepelako. Kabili mukupumikishafye, uyu muntu alekele ukubilikisha, ukutila, “Nimpola,” nokutoloka. Kabili umukashi wakwe, aeseshe ukumwikatilila, mubusanshi. Kabili umu uwesambilila alishile, ukwasha ukumwikatilila

mubusanshi. Kabili alitolweke ukufuma mubusanshi, alengele insansa ishingwi. Kabili ilyo Naile kuli i. . . Natile kuli Munyina George. . .

¹⁰ Kabili nomba umo pali ba sisita, cali cipatala caba Katolika, aishile ingila nokutila Mfwile nafumamo umo, pakulenga ulya muntu ukusamwa. Pantu, akwete impepo, nalimo iyalepimwa umwanda umo na fine. Kabili icintu iceni, ilyo bamubikile mukati; ba—bashimapepo, icifulo, kabili bamo ba dokota balimubikile, ukumulenga ukubwelelamo mubusanshi, pantu alefwala ifyakufwala fyakwe. Kabili ilyo bamupimine ukukaba kwamubili, takwete impepo.

¹¹ Nomba, kuliko abantu abengi abali nomweo ileelo, abo abamwene icimonwa, bamwene cena ukucitika, nangu balishiba palwa cena.

¹² Kabili Nafumine panse nokwiminina pama stepu, nokutila kuli Munyina George, “Nomba, uloleshe. Ali nokufwala ikoti lyacinyamuti nakasote. Ena ali nokwenda ukwikila pali aya amastepu, muli baminiti abanono.” Kabili alicitile ico. Alishilefuma nokwenda ukwikila.

¹³ Kabili nalimo mu—mu—inshita ya bushiku panuma yaico, Shikulu amonekele kuli ine nakabili, ulucelo lumo, mupepi fye nokutula kwakasuba, nokunangisha namayo uwalemene icine cine, uwali nokundapwa. E ico Natile, “Ukuba, nalimo Na—Nalafwailisha apo ali.”

¹⁴ Kabili e ico Nalile kulya kabili naleisala amenshi yamo, pamulu palya, Ndecetekela yali, ukushinguluka umusebo wa Eighth Street mu New Albany. Kabili Na. . . Yali ning’anda umwaleikala abantu babili abapusana, kabili Nalitinine ukutila Nalisele imbali shonse shibili. Kulubali lumo, abantu balifuminemo; kabili kulubali lumbi, abantu emo bali. E ico Nalile kulubali ulo lwakwete a—abantu, mwena mwali abantu. Kabili Nalikonkweshe pa mwinshi. Kabili bena bali a—a—abantu ababusu nganshi. Kabili uwaemba nganshi, umukashana uwacaice aishile pamwinshi, ntile nafwala ifyakufwala fyakale. Kabili ena—ena atile, “Ni cinshi ico ulefwaya?”

Natile, “Bushe kuti waesha amenshi, ukumona nga cakuti nayaya?”

¹⁵ Kabili atile, “Ee, mukwai.” Kabili alile. Atile, “Iyo. Amenshi eko yali.”

Natile, “Natotela.”

¹⁶ Kabili banyina, balambalele pabusanshi, ishina lyabo bali ba Missisi Mary Der Ohanian. Kabili bali abena Armenia. Umulumendo wabo aleteela kunuma, Ndecetekela efyo cali, muli ba New Albany umupila. . . , uh, ibumba lyamupila wakumakasa. Kabili ena, umwana wakwe umwanakashi, ali kusukulu likalamba. Ishina lyakwe lyali ni Dorothy. Kabili

atile. . . Dorothy atile kuli ine, “Bushe teiwe mwaume wakwa Lesa uyo wakwete kulyo kundapa muchipatala, ubushiku bumbi? Bamayo balefwaya ukulanda naimwe.” Kabili Nalingile.

¹⁷ Kabili anjebele ukutila aali uwalambalala, uwalemana. Kabili ena ali uwalemana, mubusanshi, imyaka ikumi limo na cinelubali, ukutulafye ilyo uyu mukashana afyelwe. Kabili eico umukashana ali nemyaka yakufyalwa ikumi limo na cine lubali. Kabili eico Namwebele ukutila. . . Atile, “Bushe uli ulyo mwaume wakwa Lesa uwaundepe ulyo mwaume?”

¹⁸ Natile, “Awe, mayo. Nshili kondapa. Ine fye—ine fye mpepelako u—umuntu umulwele, kabili nalangishiwe ne Cintu cimo icanjebele.” Nshaishibe ifyakucita cena; icimonwa, nangu cinshi. Nshaishibe ifyo cena cali, lyena. Nali fye umulumendo, kabili umushimbe nefintu fyonse. Kabili e ico kwaliko i. . . Uyu—uyu namayo anjipwishe ukumupepelako, ena. Kabili Namwebele ukutila, “Leken i mpepe, mukubalilapo, kabili nomba nga cakutila Shikulu anangishe ukubwela.”

¹⁹ Kabili nomba lintu Naile mukupepa. . . Nasendele Munyina George. Kabili Natile, “Uyo e ulya umwanakashi uo Na—Nakwebele uo Napepeleko. Ninjishiba mwanakashi umo wine. Tiye pamo na ine.”

²⁰ Kabili twaile kulya ku—kukupepa. Kabili eico uyu munono umukashana wa myaka yakufyalwa ikumi limo na cine lubali, ifyo fine, ine nalifye umulumendo umwaice. Kabili ena alikwete munyina, nalimo mutanda, imyaka yakufyalwa cinekonse konse, icintu cimo nga ico. Kabili kwali icimuti ca Ciminshiminshi, califye panuma ya Ciminshiminshi, cali mu ng’anda. Kabili baile kunuma yaici cimuti ca Ciminshiminshi, ukunseka. “Ukulenga ba nyinabo ukundapwa.” Namwebele ukutila Shikulu ali nokubondapa. Kabili Ine. . . Munyina George na Ine twaile mukupepa.

²¹ Kabili ilyo Natendeke ukupepa, ukuba, ulya Malaika uo Mona, Uyo untu mulemona mucikope, Na Mumwene nakobama pabusanshi. Ukuba, Nafikile palya nokwikata ukuboko kwakwe. Natile, “Misisi Ohanian.” Nomba, ena ekala mu New Albany nombaline, ena nomulume wakwe, ulupwa. Kabili Natile, “Misisi Ohanian. Shikulu Yesu nantuma, nokunjeba ilyo takulaba ukwisa, ukutila, nkakupepeleko, kabili iwe wali ‘nokundapwa.’ Ima pa makasa yobe, kabili ube uwaundapwa bwino, mwi Shina lyakwa Yesu.” Amolu yabo yatintilwe pesamba lyabo. Bena, na Baibele yabo iya ci Armenia pa mutima wabo, batendeke ukwenda ukulola kulubali lwa busanshi. Kabili ilyo bacitile ico, bena. . .

²² Elyo Satana alandile kuli ine, atile, “Nga wamuleka ukupona panshi ngefyo, alekontola umukoshi wakwe, ukufuma palya pabusanshi apatali.” Nalitinine pakashita akanono.

²³ Kabili lyonse Nalishibe ukutila filya ifimonwa, Nshaishibe ifyo cena cali lilya, alinjebele ukutila fyali ifyalungama. E ico Nalitwalilile, nangu cibe fyo, nalimulekele aikila pabusanshi. Kabili Lesa ukuba inte yandi, lilya linefye atampile, alitolweke ukufuma palya pabusanshi, amolu yonse yaishile ololoka. Umwana wakwe umukashana abilikishe, aletinta imishishi yakwe, nokulabutauka mumusebo, alebilikisha apo engafika. Abena mupalamano baishile ukufuma ukuli konse. Kabili ulya ali palya, inshita yakubalilapo pamyaka ikumi limo na cinelubali, aleenda ukushinguluka muli ulya muputule, alelumbanya Lesa. Nalifuminepo, inshita iyo ine, ukutaluka ukufuma kuli cena.

²⁴ Kunshita yakuntanshi, Naishibene nomukashana uyu umwaice, nokuya nankwe. Mucine, ici tacilefwaikwa ukwambulwa, lelo Nalile naulya umukashana umunono.

²⁵ Tapapitile inshita iitali panuma yaico, imilungu iinono, Nali mung'anda yabamayo wandi, icungulo cimo. Kabili Nalepepa, bulya bushiku, kabili Na—Nalefilwa ukupula, ku u—ukucimfya mwipepo lyandi. Kabili Natontonkenye ukutila, kuti Naikala fye onse. . . namwishiba, ukuya kubusanshi. Naleikala ku ng'anda, pali ilya nshita. Kabili e ico Nalile mu—mumuputule, uku—ukupepa. Kabili Ine. . .cali nalimo wanu koloko mulucelo, Ndemona. Kabili Na—Nalipepele.

²⁶ Kabili, pamuku fye umu, Naloleshe. Kabili, bamayo, balesenda ifyakufwala fyabo, ukufikolonganika mucipuna, namwishiba. Twali abantu ababusu icine cine. Kabili Naliloleshe, Icintu cimo icabuta caleisa kuli ine, kabili Natontonkenye ukutila Nalelolesha pali cilya cipuna caryakufwala. Lelo Cena cali ni ulya Malaika wakwa Shikulu, lilya—lilya Ikumbi, namwishiba. Kabili Lyaishile kulya uko Nali.

²⁷ Kabili Ine—kabili Naliminine mumuputule, akanono, ico twita “akafuti” ing'anda, inono, ing'anda iyaololoka, imiputule ibili muli yena. Kabili lyalikwete imbao iyakashika mumbali, mwamona. Kwaliko ubusanshi ubunono ubwacela kulubali lwandi lwaku kulyo. Kwaliko umwanakashi umufishi uwaiminine nashintilisha. . .Umuputule umu waile mukati kamuputule wakwipikilamo. Aiminine nashintilisha kuciibi camuputule wakwipikilamo, alelila. Kwali wishi uwaiminine kuli ine, kabili alindetetele akanya, ako kantu kali pacifuba cakako akanono. Kabili kumo, ukulu kwakukuso, balikukakile, mpaka kwasama pamubili wakako akanono. Kabili ukulu kwakukulyo, bakakile kunuma. Amaboko yonse nabayakaka, nayo, ukushintilisha kumbili. Kabili umubili wakako unono walipilibwilwe nokukakwa ukufikafye *apa* pamukoshi wakwe. Kabili Nalisungwike ukutila, “Ni cinshi ici cintu cilepilibula?” Kabili Naloleshe, naikala kukuboko kwakukuso kwandi, kabili palya paikele namayo umukote, ukufulako amakalashi yakwe,

kabili alekumuna ifilamba nangu icintu cimo pamakalashi yakwe. Kukuboko kwakukulyo kwandi, pacipuna cakupeta icakashika, ico capalene necipuna, kwaikele uwacaice, uwamishishi yakashikila nemishishi iyapombana, aletamba pewindo.

²⁸ Kabili Naliloleshe, naiminina kulya kulya kukuboko kwakukulyo kwandi, kabili kulya kwaiminine mu...ulya Malaika wakwa Shikulu. Kabili Atile kuli ine, “Bushe uyu mwana kuti aba nomweo?”

Kabili Natile, “Mukwai, Nshishibe.”

Atile, “Bika amaboko yobe pali ena. Ali nokuba nomweo.”

²⁹ Kabili Na—Nalicitile ico. Kabili akanya kalitolokele panshi, ukufuma ku...ukufuma mumaboko yakwa wishi. Kabili ukunono, ukulu kwakukulyo kwapombolweke, nakukulyo kwapombolweke, ukuboko kwakukulyo kwalipombolweke. Alyendele ulutampulo nalumbi, nolubali lumbi lwalipombolweke. Apangile nalumbi ulutampulo, nalumbi ulubali lwapomboloka, umubili, pakati papomboloka. Kabili abikile amaboko yakwe ayanono muyandi, kabili atile, “Munyina Branham, Ningundapwa umupwilapo.” Ulya mwana umunono afwele rompa yamakumbi makumbi, nangu ofoloshi, iyinono ofoloshi yacingililwa pacifuba. Kabili akwete imishishi iyakashikila, kabili umunono, uwacepesha, akanwa akacepesha.

³⁰ Kabili nomba Malaika wakwa Shikulu anjebele ukutila Alentwala kucende kumo kumbi. Kabili Nasendelwe ukutali. Kabili Ambikile kulubali lwanshishi iyakale, nokunangisha impendwa pe libwe lyapanshishi, mupepi nechalichi. Kabili Atile, “Iyi ili nokuba incende yobe iyakutungulwilako.”

³¹ Ansendele muncende imbi. Kabili kwali u...camoneke kwati kwali umusumba unono, namatuka yabili muli wena. Kabili imo kuntanshi kwapentelwe mwilangi lyamutuntula, imbao shamutuntula kucibumba. Kabili Naile kulya, nangu Naiminine kulya. Kabili kwaliko umwaume umukote uwalefuma, nafwala nekoti lyamakumbi makumbi, nangu ikoti lya makumbi makumbi na ofoloshi yamakumbi makumbi, necisote icamutuntula. Alikwete iigi, umwefu wapamulu wakanwa uwabuta.

Atile, “Alakulangisha inshila.”

³² Kabili inshita imbi iyo Naishile ishiba icilecitika, Namwene Ndeingila mumuputule, ndekonka munuma yakwa namayo uwacaice uwaina. Kabili ilyo Naingile pamwinshi, amalembo pepepala pa cibumba yali ayakashika. Pamulu waciibi pali icishibilo icalembwa ukutila, “Lesa apale ing’anda yesu.” Kuli ubukalamba, ubwakale, ubwamukuba ubusanshi kulubali lwandi kukulyo. Kabili kwali necitofu icaikele kukuso. Kabili mulya mulusoso, mwalambalele umukashana uwamyaka yakufyalwa ikumi limo na isano. Kabili alikwete ubulebe nangu

icintu cimo, ico calengele ukulu kwakukulyo ukutintika. Kabili ulukasa lwakwe lwapilibukile kumbali, kabili lwali pesamba lyakwe. Kabili ena—kabili ena amoneke ngo mulumendo. Lelo, akwete imishishi ngo mukashana, kabili akwete i—imilomo iyapangwa ngo mutima ngeyamukashana.

Kabili Atile kuli ine, “Bushe ulyo mukashana kuti aenda?”

Kabili Natile, “Mukwai, Nshishibe.”

³³ Atile, “Kabiye uyebika amaboko yobe palufumo lwakwe.” Elyo Natontonkenye ukutila aali mulumendo, mucine nganshi, pantu Aali nengele ukubika amaboko yandi palufumo lwakwe. Nalicitile nga fintu Anjebele.

³⁴ Kabili Naumfwile umuntu umo aletila, “Shikulu Alumbaniwe.” Kabili Naloleshe pamulu. Kabili ilyo Nacitile ico, uyu mukashana alimine. Kabili ilyo aimine, ifyakufwala fyakusendama nafyo ifyo afwele, ukulu kwetoloshi kwalipeteke, kabili lyalangishe ikufi lyabulungana ngekufi lyamukashana kabili telyamapompo, namwishiba, nga fintu ilyumulumendo limoneka. Kabili Nalishibe ukutila cali mukashana. Kabili ena alifwele ifyakufwala fyakwe ifya kusendaminamo. Kabili aishile, aleenda kuli ine, alesakula imishishi yakwe. Ali nomushishi wamutuntula, alesakula imishishi yakwe.

³⁵ Umukashana ekala mu Salem, ileelo, alyupwa, kabili akwata abana batatu nangu bane. Kabili nyina wakwe na wishi bacili palya, nabo.

³⁶ Kabili e ico Na—Na—Naishile ishiba icalecitika. Kabili Naleumfwa umuntu umo aletila, “Munyina Branham...” Nangu, “Munyina Bill! Oh, Munyina Bill!” Kabili bamayo balenjita. Kabili Natontonkenye. Kuti naumfwa umo, inshila imo. Pakufuma muli cilya icimonwa, namwishiba, cali ukumfwa kwati taukwete amaka. Kabili Natile, “Cinshi ico mulefwaya, bamayo?” Mumuputule umbi, umo balele.

Kabili batile, “Kuliko umuntu umo ulekonkonsha pa ciibi cobe.”

³⁷ Kabili Nalicumfwa, “Munyina Bill!” Kabili Naliswile iciibi. Kwaliko umuntu uwaishile ingila. Ishina lyakwe lyali ni John Emil. Ekala mu Miami, ku Florida, nomba. Kabili atile, “Munyina Bill, taulenjibukisha.”

Natile, “Iyo. Nshilecetekela ukuti Ndekwibukisha.”

³⁸ Atile, “Iwe wali mbatishe nolupwa lwandi. Lelo,” atile, “Ine naile munshila yalubana.” Atile, “Nalipeye umuntu, kuno inshita imo akale. Ukumuma nekofi lyandi, nokukontola umukoshi wakwe, mulubuli.” Atile, “Nalilufya umo pabalumendo bandi abanono, umukalamba.” Kabili atile, “Umwaice pali bonse nalambalala ku ng’anda, alefwa nomba.” Kabili atile, “Dokota wamumusumba muno elyo afuminepo, kabili atile, ‘Umwana nakwata utulaso ukumuma pabili.’ Kabili

alefilwa ukupema.” Kabili atile, “Ine—Ine—Ine—Ine fye... Nawisa pamutima wandi. Kabili ndetontokanya nga kuti waisa nokukwata ipepo pamo na ena.” Kabili atile, “Nomba, nga fintu waishiba, Ndi mufyala kuli Graham Snelling.” Ico, Graham Snelling, Shimapepo Graham Snelling nomba, tali kapyunga pali ilya nshita; umulumendo umwina Kristu umusuma. Atile, “Mufyala wandi. Ndeya kulya mukumusenda.” Uyo waikele nalimo citika wa mailoshi ukufuma kuli ine, mulya mu musumba. Kabili atile, “Ndeya mukumusenda. Kabili bushe uli uwaipela ukuya kulya?”

Natile, “Ee, Mista Emil, nga Nafwala fye ifyakufwala fyandi.”

Kabili eico atile, “Nalasenda motoka yandi, nokukusenda.”

Natile, “Cisuma.”

³⁹ Atile, “Nga Nasendafye Graham. Kabili Ndefwaya imwe bonse mupepeleko umwana.”

Natile, “Cisuma.”

⁴⁰ E ico nomba Nalile mukuityanya. Kabili bamayo batile, “Bwafya nshi bwacitika?”

Natile, “Kuliko umwana umunono uwakundapa.”

Kabili eico batile, “Ukundapwa?”

Kabili Natile, “Ee, bamayo.”

Kabili eico Natile, “Nalamweba ifingi palwa cena ilyo Nalabwela.”

⁴¹ E ico mu nshita inono, akonkwenshe pa ciibi, kabili Munyina Graham ali pamo nankwe. Twaleya kumulu kulya, uko twaishiba ukutali nomba basungilako amato nomba, uko waleitwa Howard Shipyard pali ilya nshita. Natile, “Mista Emil, bushe iwe... Nikwisa uko wikala nomba?”

Atile, “Pa mulu wa Utica.”

⁴² Natile, “Wikala muinono, iyo twita ‘akafuti’ ing’anda, mung’anda yamiputule ibili.”

“Ee, mukwai.”

“Yaikala pa lupili.”

“Ee, mukwai,” atile.

⁴³ Natile, “Imbao shobe—shobe shapngwa mukulundinkanya, kabili yapentwa nelangi lyakashika.”

Atile, “Ico nacilungama.”

⁴⁴ Natile, “Umwana umunono nalala mubusanshi bwacela. Kabili alikwata mu ng’anda, kwena, babili ba ofoloshi abamakumbi makumbi.”

Atila, “Ifyo eflyo afwele.”

45 Kabili Natile, “Kabili umwana munono nganshi, nalimo imyaka yakufyalwa itatu. Kabili alikwata akanwa akanono, imilomo iinono iyaonda. Kabili akwata umushishi wacinya muti.”

Atile, “Ico cishinka.”

46 Natile, “Missisi Emil ninamayo uwakwata umushishi wafita. Kabili muli uyu muputule, mwalikwata icipuna icakupeta icakashika necipuna cakashika.”

Atile, “Bushe walitala isako kulya, Munyina Branham?”

Natile, “Pakashita akanono akapitapo.”

“Pakashita akapitapo?” atile.

Natile, “Ee.”

“Mulandu nshi,” atile, “Nshatala nkumonapo.”

47 Natile, “Iyo. Cali mupashi.” Natile, “Mista Emil, mwalyumfwa ine ndelanda, nga Nde mubatisha, pafintu ificitika kuli ine. Ifinga . . . Ndamona ifintu ilyo tafilacitika.”

48 Atile, “Ee. Bushe icintu cimo nga ico calicitike kuli iwe, Munyina Branham?”

49 Natile, “Ee. Kabili Mista Emil, fyonse ifyo Cena cali ifyo fyanjebele, tacatala njebapo ubufi. Umwana obe ali nokundapwa ilyo Nalafika kulya.”

50 Kabili aliiminike motoka, nokwinamina pamupeto, atile, “Lesu, mbeleleni uluse. Mbwesheni, O mwe Shikulu.” Mwamona? “Kabili Ndemulaya Imwe, ukwikalila Imwe, inshiku shandi shonse, nga Muli nokusunga umweo wa mwana wandi.” Kabili palya apele umutima wakwe kuli Kristu. Akukile mung’anda, aali uwansansa, umweo uwabwekeshiwe kuli Kristu.

51 Ilyo ifwe—ilyo twaile mu ng’anda, ifintu fyonse fyalifye filya fine mumusango fyabelelemo, nomba banamayo abakalamba tabalimo. Nensansa, nensansa nganshi, Natile, “Leteni umwana kuli ine.” Umwana aali panembe nembe yamweo. Mwamona? Uko “ukupwa,” kwali mweo ukufuma mumwana. Kena kashelofye *apa*, pamukoshi wakako uunono. Kabili Natile, “Leteni umwana.” Ukwabula ukulolela icimonwa ukufikilishiwa.

52 Munyina Vayle, nga cakuti ici icakulembapo nga cifwile ukulambalala *apa*, tekuti Nande ishiwi kano ici icakulembapo calambalala palya. Mwamona? Cali nokuba muli iyo nshila Calangishiwe kuli ine.

53 Eico Natile, “Leteni umwana kuli ine.” Kabili wishi ewaletele umwana kuli ine, kabili Namupepelele, kabili aishilelwalilako. Eico Natontonkenye ukutila, “Nomba icintu cimo . . .” Umupu walipwile kumwana, kabili balelwisha

nokumusunkanya, nefintu fyonse, ukuti umupu ubwekelemo. Natontonkenye ukutula, “Nomba, kuliko icintu cimo icilubene.”

⁵⁴ Kabili Natendeke ukutontonkanya ukutula, “Alikwi namayo umukote?” Ulya talipo palya nakalya.

⁵⁵ E ico balisendele umwana, nokumulambalika. Balebika ifintu pesamba lyamona wakwe, ifintu fyonse, nokulila. Nyina alelila, aleiposaika, nefintu fyonse. Lelo umwana ale—alepema fyepano.

⁵⁶ Natontonkenye ukutula, “Ukuba, ukupitila mubwandi—mubwandi ubupuba, Nimomfya icimonwa icakwa Lesa bubi bubi, pantu Nshacilolela pali Cena, pakuba uwansansa shacilamo.”

⁵⁷ Kuli ici, kuti mwamona, Munyina Vayle, umulandu Ndolela. Nshisakamana uyo uunjeba ine. Nalikutemwa nga munyine. Munyina, mwilaesha, ukunjeba icintu cimo icakucita, ilyo Na—ilyo Ndeumfwa ukutula Ni—Ninkwata ubufwayo bwakwa Shikulu. Mwamona? Te mulandu ifyo cingamoneka icisuma mumusango umbi, Nalalolela pali Ena. Mwamona? Kabili—kabili e ico Na—Nalisambilile isambililo pano pene, iingi, iingi, iingi imyaka yapitapo; kabili ukucita filya fine ifyo Alanda, kabili mwicicita mpaka Alanda ukutula cena cili mupepi nokucitwa.

⁵⁸ Akanya kalelwisha umupu. Nomba, Ine tekuti mbebe ifyo Nacitile, lelo Nalalolela fye. Natontonkenye ukutula, “Nalimo ukusenamina kwalacifimba, kabili Alimbelele uluse.” Ukuba, Nalile, nokwikala panshi.

⁵⁹ Balilwishishe ukuti ulya mwana abe nomweo mpaka bwaca. Ilyo bwatampile ukuca, bamwenefye ukutula umwana aali nokuya miniti ili yonse. Ukuba, Nalikele palya. Kabili bena batwalilile ukulanjipusha, “Munyina Branham, ni cinshi ico tulingile ukucita?” Nangu, “Munyina Bill,” balinjitile, “ni cinshi ico Ningile ukucita?”

⁶⁰ Natile, “Nshishibe.” Mwamona? Nalikele palya, umutwe wandi panshi, nokutula, “Shikulu, napapata njeleleniko.”

⁶¹ Ukuba, kabili elyo kwaishile ulubuuto lwakasuba. Munyina Graham Snelling alingile ukuya kuncito. E ico Mista Emil alingile ukumutwala, kabili Nalishibe ukutula Nali nokufumao kung’anda.

⁶² Kabili, nomba, Munyina Graham alingile ukwikala kulya, pantu ena alikwata imishishi iyakashikilila, imishishi iyapombana, nge fyo mwaishiba. Alingile ukwikala muli ici cipuna cakupeta. E ico Nalikele palya apo Munyina Graham alingile ukwikala, lelo namayo umukote talipo palya. Kabili takwaba namayo umukote pancende. E ico Naikela palya. Kabili e ico Mista Emil afwele ikoti lyakwe.

63 Lyena Nalishibe ukutila, nga cakuti Munyina Graham aya, cintu cakosa ukulanda ilyo ena engabwela. Mwamona? Kabili lyena Nalishibe ukutila, nangula namayo alishile, lyena Munyina Graham tekuti abepo palya. E ico mulemona umusango wa mibele iyo Nalimo.

64 Kabili e ico Mista Emil atile, “Munyina Branham, bushe ulefwaya ukuya?” Nangu, “Munyina Bill, ulefwaya ukuya ku ng’anda? Ulefwaya inkutwale ku ng’anda?”

65 Natile, “Iyo, mukwai. Nalalolela fye, nga tacamusakamike.” Nalipatile ukwikala mulya mung’anda, akanya fye na nyina, na ine, pantu bena bali abantu abacaice. Bena, ena, ali nalimo imyaka yakufyalwa amakumi yabili na isano, Ndemona. Kabili Nali nalimo nemyaka imo ine. Kabili Natile, “Iyo. Nala—Nalalolela fye, nga tacamusakamike.”

Atile, “Cili fye bwino, munyina, Munyina, Bill.”

66 Kabili eico nyina aleenda mung’anda, aleiposaikafye, kabili nokweshwa uku. . . ukulila nefintu fyonse, namwishiba. Kabili umwana alelwalilakofye. Mwamona? Calemoneka fye kwati, miniti ili yonse, kwati ali nokwikata umupu wakwe, nga *ifi*, aleya, *alekola umupu*, *alekola umupu*, eflyo califye, umupu, ewalimo. Kabili tapali nangu cimo. . . Bena tabakwete penicillini ne fintu, shilya inshiku, mwamona. Eico benafye—bena babika ifisalu pali yena, nefintu ifyaba ngefyo. Lelo umwana umunono alifikwete panshiku ishing. Kabili ena aliile, mwamona, nangu ukuya.

67 Kabili, lyena, Na—Nalikeleko panshi palya. Natontonkenye ukutila, “Owe, nga Graham aya. . .” Graham nafwala ikoti lyakwe, kabili atendeke ukuya pa mwinshi.

68 Kabili atile ku mukashi wakwe, atile, “Nomba, twalabwela, muli miniti fye.”

69 Natontonkenye ukutila, “O mwe Lesa, lyena ninshi Nalaikala pano akasuba konse, kabili nalimo ubushiku bonse, nakabili, mwamona, ukulolela cilya icimonwa. Ni cinshi ico Ninga cita?”

70 Kabili Naloleshe pe windo. Kabili kwaleisa ukushinguluka ing’anda, kwaishile banakulu bamwana mukati mulya. Kabili, ukuba, Naishibe inshita imbi, cali ni banakulu. Kabili bena bafwele amakalashi. Natontonkenye ukutila, “Ici eco, Shikulu, nga—nga Graham tafuminefye pa mwinshi.” E ico, bena lyonse balepitila kumwinshi wakuntanshi. Lelo, munshila imbi, bena tabaishibe, ilyo, lelo bena bapitile kumwinshi wakunuma, baishile mumuputule wakwipikilamo. Kabili baingile mumuputule wakwipikilamo, muinono, ing’anda yakale. Kabili ilyo bafikile pamwinshi, umwana wabo umwanakashi abutwike ukuya kulya nokubatomona, pantu cali nibanyina wamwana umwanakashi, namwishiba, nokubatomona. Kabili Munyina Graham. . .

Elyo atile, “Bushe umwana aliko bwino?”

⁷¹ Atile, “Bamayo, alefwa.” Kabili batendeke ukupunda nga filya, kabili banyina balelila.

⁷² Nomba Natontonkenye ukutula, “Nga ici cili nokubomba fye, nomba, nga cakuti Graham tele.”

⁷³ Kabili Naliminine. Kabili Nshalandile nangu cimo, mwamona, kulolela fye. Kabili Munyina Graham aendele. Naliminine pakutula engekala panshi. Kabili ena. . . Kabili ico cali lupwa lwakwe, mwamona, e ico atendeke fye ukulalila, nao, nokwikala palya pacipuna ckaupeta apo alingile ukwikala.

⁷⁴ Natontonkenye ukutula, “Nomba, nga ulya namayo umukote kuti aisa fye nokwikala muli ici cipuna icakashika!” Kabili Nabwekele kumwinshi uko Mista Emil aiminine, nafwala nekoti lyakwe, kabili aleipekanya ukuya. Kwalitalele nganshi, imfula yabuta iyacipupu nokutalala. Kabili Natontonkenye. . . Kabili namayo umukote aishileikala muli ici cipuna.

⁷⁵ Kabili Graham aikele panshi, nokukonteka umutwe wakwe panshi. Kabili nyina wa mwana, abikile ukuboko kwakwe pa mwinshi, nokutampa ukulila. Bwino bwino fye icimonwa! Kabili namayo umukote aikele panshi. Kabili mucifulo cakuti cibe ifilamba, pamo, pamakalashi yakwe; kumulandu nempepo, amakalashi yalibutulwike. Kabili aiswile icola cakwe icinono nokufumya akatambala, abili, nangu akacola kansalu, kabili atendeke ukukumuna aya makalashi. [Munyina Branham alisho munwe wakwe umuku umo—Kale.] Munyina, ico cali eco.

⁷⁶ Natile kuli Mista Emil. Natile, “Mista Emil, mucili namukwata ukusubila muli ine ngo mubomfi wakwa Kristu?”

Atile, “Ine mucine ninkwata, Munyina Branham.”

⁷⁷ Natile, “Kuti nakweba nomba. Nalandile pantanshi yacimonwa, pakashita akapitapo, ulya e mulandu wine cena tacacitike. Nga cakuti ucili naukwata isubilo muli ine, kabiye ulete umwana obe.” Oh, owe! Ndemona cena cali icalungama, lyena, mulemona. “Kabiye, kalete umwana obe.”

⁷⁸ Atile, “Ndi nokucita icili conse ico wanjeba ukucita, Munyina Bill. Ine tekuti ntine ukumwimya.” Mucine, balimwimya, ailefye, umupu wafuminemo mumwana. Aletele umwana umunono kuli ine. Amwikete nokumusenda mumaboko yakwe, nokwisa muleta kuli ine, nokwiminina palya.

⁷⁹ Nabikile ukuboko kwandi pali ena, nokutula, “Shikulu, mbeleleni uluse pabupuba bwa mubomfi Wenu. Mwamona? Nalilandile ku ntanshi ya cimonwa Cenu. Lelo nomba lekeni cishibikwe ukutula Imwe muli Lesa wamyulu nesonde.”

⁸⁰ Nshilapwa ukuland ifyo, ukulanda ifyo, umwana aposele amaboko yonse pali wishu, atampile ukupunda nokulila, ukutula, “Taata, Naumfwa fye bwino nomba.” Mwamona?

⁸¹ Natile, “Mista Emil, leka umwana abe. Cikaba inshikku shitatu pakuti bukamushe, pantu acipanga intampulo shitatu, ukufumamo.”

⁸² Naile ku ng’anda, kabili Nalandile ici muchalichi candi. Natile, “Nkabwelelamo.” Ico cali ni pali Cimo. Natile, “Pali Citatu ubushiku, ilyo takulaba ukupepa, Nkaya kulya.” Bali abantu ababusu, kabili twlibafwaile umuseke wafyakubomfya, ukubatwalila. E ico Natile, “Ndefwaya imwe bonse ukuya, kabili ilyo Naya kulya. Kabili mukaye kulya ku ng’anda. Kabili ilyo Nkafika kuli cilya cifulo, uko ilye ng’anda yaba, mukaloleshe nokumona nga cakuti ulya umwana umunono takese panshi, ne myefu inono iyapangwa *apa*, uko ena alenwa umukaka wabikwamo koko nangu icintu cimo. Mwamona? Kabili abikile amaboko yakwe muyandi, nokulanda ifi fyebo, ‘Munyina Bill, Ningundapwa umupwlapo.’ Uyu mwana umunono uwamyaka yakufyalwa itatu. Mukaloleshe nokumona nga cena tacakacitike.”

⁸³ Umukashi wandi nomba, Meda, kulya ilyo tatulaupana, e ico ali mwibumba. Kabili necimbaya mbaya caisula baile nokushinguluka ing’anda, mwamona, ukumona ilyo Naenseshe icimbaya mbaya cakale ica Kampani iyakale iya Buteko iyo Nakwete ku ng’anda ilya nshita yabushiku. Nshakwete motoka yandi nangu imo. Mwaiswilemo amanenekela kunuma, nefintu, namwishiba, uko Naleyasenda akasuba konse bulya bushiku, nokulungisha ifintu. Naiminike kuntanshi, naiminika. Naile palukungu; nokukonkonsha paciibi. Kabili tabakwete ifisalu ifyakwanshika panshi apanono. Kabili nyina aishile panshi, atile, “Mulandu nshi, ni Munyina Bill,” nga filya. Kabili abantu baletamba mumawindo, pali ilya nshita, ukumona icalacitika.

⁸⁴ Kabili mulusoso, aleangala, cali ni uyu mulumendo umunono, ubushiku bwapali citatu. Naliminine, nshalandilepo ishiwi. Kabili alishile, aleenda palya panshi, nokwimya amaboko yakwe ayanono pamulu muyandi. Ne... Afumine mukunwa umukaka wabikwamo koko, nomwefu wakwe uunono, wapangike, ukupita *apa*, ukufuma kumukaka wabikwamo koko. Aimishe amaboko yakwe pamulu muyandi, nokutila, “Munyina Bill, Ndifye uwaundapwa umupwilapo.” Huh!

⁸⁵ Bulya ubushiku, pa chalichi, Nalicilandile. Natile, “Kuliko umukashana uwalemana, kumo, uyo uulekabila.” Natile, “Mwe Chalichi, Nshishibe ifyo ifi fintu fipilibula. Tekuti mwebe.”

⁸⁶ Kabili—kabili e ico nalebomba ku Kampani ya Cintu Bwingi. Kabili Ndeibukisha ubushiku bumo, nalimo umulungu panuma ya ico, Natendeke ukufuma mucikulwa, ukuya kunse. Mista Herb Scott, ekala muno mu musumba ino ine nshita, ena ali emukalamba wandi uwancito. Kabili atile. . . Natendeke ukuya kulya. Atile, “Billy?”

Natile, “Ee.”

Atile, “Ilyo ulefuma, Ninkwata inkalata pano iyobe.”

Natile, “Cili fye, Herbie. Nalaisenda muli miniti.”

⁸⁷ Kabili—kabili e ico Nalile kulya mukusenda ifyo nalinokubomba fimbi, Nalebebeta. E ico Nalile mukubomba umulimo wandi umbi. Kabili ilyo Na—Nacitile ico, Naishile ibukisha iyo kalata. Naile isenda, nokuisula. Kabili yatile, “Mista Branham Watemwikwa,” mwamona, yatile, “ishina lyandi nine Nail. Nine Misisi Harold Nail. Twikala kuncende iitwa South Boston.” Kabili yatile, “Tuli ba Methodisti, kucicetekelo. Kabili Nalibelengele ibuuku limo ilinono ilyo walembele, ilitwa *Yesu Kristu Cimo Cine Mailo, Ileelo, No Muyayaya*, kalibuuku akanono. Kabili twalikwete ukulongana kwa mapepo ma ng’anda yesu, inshita imbi iyabushiku. Kabili twalyumfwa palwa iwe ukukwata ukulunduluka, mukupepela abalwele.” Kabili yatile, “Ninkwata umwana umwanakashi uulecushiwa, uuli nemyaka yakufyalwa ikumi limo na isano,” yatile, “uyo ulele pabusanshi bwakucushiwa. Kabili munshila imo, Ndefilwa ukufumya ici mwitontonkanyo lyandi, ukutila Mfwile ukukwita ukese pepelako uyu mukashana. Bushe mukwai kuti mwacita ico? Uwenu icine cine, Misisi Harold Nail. South Boston, Indiana.”

Natile, “Nawishiba, ulya mukashana. Ulya eo.”

⁸⁸ Naile ku ng’anda, naebele bamayo, nabebele palwa ico. Natile, “Uyo—uyo e mukashana.” Kabili nomba bulya ubushiku, pachalichi, Nalandile kuchalichi. Natile, “Pano pali ilya—ilya—ilya—ilya incende.” Natile, “Kuti kwabako uwingeshiba ku South Boston?”

⁸⁹ Kabili Munyina George Wright, imwe bonse mwalishibana nankwe, atile, “Munyina Branham, cena cili . . . Ndetontonkanya kwena nikwisamba ku Masamba.”

⁹⁰ Eico ubushiku bwakonkelepo, ifibusa fyandi fibili, kabili nomukashi wandi, uyo nomba waba, kabili umwaume nomukashi wakwe ukufuma ku Texas. Ama- . . . amashina yabo yali ni Brace, Ad Brace. Ekala kuno nomba, kwisamba ku Milltown, mulimi. Ena ali nikasunga wanama kulya ku Mboshi. Kabili aselele kuno ukuti apalamine nachalichi. Kabili Nalipepeleleko umukashi wakwe, kabili alyundepwe ku bwafya bwa ntandabwanga. Kabili eico ena alefwaya ukumona ici ukucitika. Natile, “Tiye pamo na ine, nokumona nga cakutila cena tacacitike muli iyi inshila.” Eico namayo tatalile amonapo icimonwa, Misisi—Misisi Brace. Eico umukashi wandi aile pamo naine. Kabili Munyina Jim Wiseheart, umukalamba wakale, uleibukisha, ichalichi kulya, dikoni umukote, alefwaya ukucimona. Nalikwete iyinono, motoka iitwa roadstar lyena, kabili Nabalonge bonse mulya mwine.

⁹¹ Kabili twaile mwisamba Iya New Albany. Kabili Nasangile ici icishibilo, kabili Naishile sanga ukuti, tacali ni South

Boston. Cena cali niku New Boston. E ico kanshi Nshaishibe ukwakulungama, e ico Naishile bwekela ku Jeffersonville nokwipusha umuntu umo. Kabili umuntu umo aile mwi ofeshi lyakutuminamo ifintu, bena batile, “South Boston yaba pamulu wa Henryville.”

⁹² E ico Na—Naile ku Henryville, kabili Nalipwishe kulya. Kabili batile, “Muye kuli *wyu* musebo. Kwali bamailoshi ikumi limo na yasano, kunuma yafyulu *apa*, muli nokusanga incende imo. Ufwile waba uwacenjela, pantu kuti wacipusa,” atile, “pantu mwabafye ituka limo. Kabili ituka lyalikwata iofeshi lyakutuminamo ifintu fimbi, muli lyena. South Boston, mulya muli ifi fyulu.” Kwaba ama acre yafyulu amakana ikumi limo nacine lubali, mwamona. Kabili iyi ncende yaba kunuma yaiyo ncende, kufyulu kulya.

⁹³ E ico twalitwalilile, ukulaenda. Kabili pamuku fye umo, Naumfwile cimo icaibela, panuma yakwensha, basano nangu mutanda ba mailoshi, Naumfwile icintu cimo icaibela. Natile, “Nshishibe.”

Batile, “Cinshi icilecitika?”

⁹⁴ Natile, “Ndecetekela ukutila—ukutila ulya Umo uulanda kuli ine, alefwaya ukulanda kuli ine, eico Ningile ukufuma muli motoka.”

⁹⁵ Eico Naishilefuma muli motoka. Kabili banamyo nababalela kuli banamayo banabo, namwishiba, nefintu fyonse, kalya akanono kamotoka ka roadster. Kabili Naishilefuma muli motoka, nokuya kunuma ya motoka. Kabili Nalikontekte umutwe wandi, nokubika ulukasa lwandi pamulu wacacungilila, kunuma yamotoka. Kabili Natile, “Shifwe uwa mu Myulu, nicinshi ico Imwe mwingakwata umubomfi Wenu ukwishiba?” Kabili Nalipepele. Tapali nangu cimo icacitike. Nalilolele pa maminiti ayanono. Kabili Natontonkenye ukutila, “Ukuba, Ena . . .” Ilingi line ilyo kuli ibumba nga filya, Mfwile nafumapo naba neka. Eico Nalolele amaminiuti yanono.

⁹⁶ Naishile cebulwa, nalolesheko. Natontonkenye ukutila, “Ukuba, moneni, apa pali chalichi cakale icili pano.” Kabili nga mwa . . . Cena ni Bunker Hill Church. Kabili Naloleshe pambali, Bunker Hill Christian Church, kabili kulya kwali inshishi namabwe yamashina yapanshishi, kulya kwine kuntanshi yachalichi.

⁹⁷ Kabili Nalile kulya. Natile, “Nomba imwe bonse na mukwata amashiwi.” Nshatala isapo muli ici calo nakalya, mumweo wandi. Nshatala isapo pamulu palya, ukuli konse, mumweo wandi. Kabili Natile, “Sendeni yalya mashina nempendwa kabili iseni kuno, mumone nga cakuti ico tacili cimo cine pali ili libwe lyapanshishi.” Kabili ilyo cali palya, filya fine fye. Natile, “Ili elyo. Ifwe twaba munshila iyalungama nomba.” Natile, “Ulya ali ni Malaika wakwa Shikulu.” Mwamona,

Nalipitile mupepi nalyena, kabili ukwabula ukwishiba ico. E ico, oh, Ena alipwililika.

⁹⁸ Kabili e ico twalikonkenyepo ukuya pantanshi nokutwalilila. Mukulungatana Nalikumenye umwaume, kabili Natile, “Bushe kuti mwanjebako uko South Boston yabala, mukwai?”

⁹⁹ Atile, “Muye kukukulyo nakukuso,” namwishiba, nafimbipo nga filya. Kabili twatwalililepo fye ukulaya.

¹⁰⁰ E ico panuma yakashita, twalishilemo, Nalimwene, Naishile muncende inono. Kabili cali ngo mushi Uunono, icapalako. Kabili Na—Naloleshe. Natile, “Pano epo. Pano epo, palya pene.” Natile, “Kulya kuli i . . . Kulya, isho imbao shamutuntula.” Kabili Natile, “Nomba, muloleshe. Umuntu umo ali nokufuma kulya, na ofoloshi uwamakumbi makumbi, iya buta insalu yanakilila . . . nangu icisote icansalu yanakilila icamutuntula, nomwefu wabuta, nokunjeba ukwa kuya. Nga cakutila tacili, Ndi kashimika watushimi umukalamba.”

¹⁰¹ Kabili e ico bena bonse balelolela. Kabili—kabili Naiminike motoka, kuntanshi yacikulwa. Kabili ilyofye Naiminike motoka, kuntanshi, kwafumine umwaume nafwala ofoloshi yamakumbi makumbi, necisote icamutuntula, kabili nomwefu wapamulu wamilomo uwabuta. Kabili ba Missisi Brace balifwile umutombo muli motoka, ilyo bamwene cafikilishiwa, ngefyo.

Natile, “Mukwai, mwananjebako uko ba Harold Nail bekala.”

Atile, “Ee, mukwai.” Atile, “Bushe mufumine ku Masamba?”

Natile, “Ee, mukwai.”

¹⁰² Atile, “Namupitapo. Pali citika wamailoshi ukuya kwisamba mumusebo, mukoneke, umusebo wakubalilapo kukuso. Muninike, kabili mwalasanga umwakututila icani icakashika, kabili mukoneke pacikulwa cakashika.” Atile, “Ning’anda yacibili kukulyo kwenu, ilyo mulekonekela mumusebo uunono.”

Natile, “Ee, mukwai.”

Atile, “Mulandu nshi?”

Natile, “Alikwata umwana mwanakashi uulecushiwa. Bushe teifyo fine?”

Atile, “Ee, mukwai. Alikwata.”

¹⁰³ Natile, “Shikulu ali nokumundapa.” Kabili umwaume umukote atendeke ukulila. Mwamona? Ena tatalile ishiba. Kabili e ico ena alibikilwemo mucimonwa. Ena taishibe icalectitika.

¹⁰⁴ Nalipilibwike. Twapupulwile Missisi Nail nakabili. Kabili twaile kulya, nokufika palubansa. Twafumine muli motoka, twatampa ukwenda. Ukuya pancende yaku . . . namwishiba,

kuncende uko cali. Kabili umwanakashi uwaina aishile pamwinshi. Natile, “Uyo palya.” Mwamona?

Kabili eico atile, “Uli shani?”

Kabili Natile, “Muli shani?” Natile, “Nine—Nine Munyina Bill.”

¹⁰⁵ “Oh,” atile, “Na—Na—Nacitontonkanya ukutila niwe wine.” Atile, “Walipokelele kalata yandi?”

Natile, “Ee, mayo, Nalipokelele.”

Atile, “Nine Missisi Harold Nail.”

¹⁰⁶ Natile, “Ukuba, Ndi uwansansa ukukwishiba, Missisi Nail. Kabili ili libumba ilinono ilishile naine, mukupepelako umukashana wenu.”

Atile, “Ee.”

Natile, “Aleteyanya ukundapwa.”

¹⁰⁷ Atile, “Cinshi?” Kabili imilomo yakwe yatendeke ukututuma. Atendeke ukulila.

¹⁰⁸ Natile, “Ee, mayo.” Kabili Nshi—Nshishibe; Nshaimine pali ulya namayo.

¹⁰⁹ Naendelefye ukuya mumuputule wakupitamo, nebumba lyandi balenkonka. Ilyo Naiswile iciibi kukulyo kwamuputule, iiklamba, iyakle, ing’anda yamumushi, naiswile iciibi, kwaliko ipepala yelyashi iyamutuntula-...nangu ama pepala ya mutuntula pa cibumba, amalembo yakashika; icishibilo, “Les a pale ing’anda yesu;” ubusanshi bwakale ubwa mukuba; necitofu cankuni calili kukuso kwandi. Kabili kwali akabusanshi akacingililwa palya, noyu uwalemoneka kwati mwaume umukashana nalambalala muli kena.

¹¹⁰ Nomba icintu cimo calicitike. Nali kulya mucifutu camuputule, ndemon a umubili wandi uleya kuli bulyo busanshi. Kabili Nabikile amaboko yandi pamala yakwe, ifintufye Shikulu alandile ukutila cikaba. Kabili ilyo Nacitile ico, ilyo Missisi Nail aingile mumuputule nokumona ico, aponene panshi, nakabili, afwa umutombo. Abako umuntu uwanaka, kabili afwile umutombo panshi, nakabili. Kabili Munyina Nail aleesha ukubomba nankwe. Kabili Munyina Jim umukote uwaiminine palya, aletila, “Paleni Shikulu,” nabika amaboko yakwe capamo, nga imwe bonse mwalishiba ifyo acitile. Kabili e ico kanshi Naloleshe pali ico, kabili Nalimwene ico.

¹¹¹ Kabili Nabikile indupi shandi pali ena, nangu ukucilinganya ulufumo lwakwe, nga *ifi*. Natile, “Shikulu, Ndecita ici kufyo naebelwe, mufyo Ndetontonkanya ukutila, ni Les a eulenjeba ukucita ici.” Kabili pali ilya nshita, atendeke ukulila, kabili alitolweke.

¹¹² Kabili baimishe Missisi Nail pamakasa yakwe. Alibukile, ukufuma kukufwa umutombo wakwe.

¹¹³ Kabili ilyo umukashana atolweke ukufuma pabusanshi, ukulu ukwacakufwala cakwe icakusendama naco kwapimpwike pamulu kukulyo, filya finefye umusango cena calangishiwe mucimonwa. Kabili kwali ikufi limo ilyabulungana ilya mukashana, mucifulo ca mulumendo.


¹¹⁴ Kabili ba Missisi Nail baliponene, nakabili. Mwamona? Balifwile umutombo. Iyo emiku itatu iyo afwile umutombo.

¹¹⁵ Kabili ulyo mukashana alifumine mulya, muli ulya muputule. Kabili aingile mumuputule wakufwalilamo, alelila, kabili akwele umwingila, aishile aleenda, alesakula nomushishi wakwe. Pamo nankwe...neco cile-...Kabili ukuboko kwakwe—kwakwe kwali ukwabulebe, pamo, kulubali lwakukulyo. Alesakula imishishi yakwe nakulyo kuboko ukwalemama.

¹¹⁶ Ena alyupwa, alikwata ibumba lyabana. Ishina lyakwe, Nshaishiba ifyo ishina lyakwe lyaba nombamba. Lelo iyakwa Nail, onse umuntu kuti amweba, Harold Nail.

¹¹⁷ Kabili ifyo ifimonwa fyacine. [Tapali amashiwi pali tepu—Kale.] Kuti nabikapo ico nokumutwala kubantu abengapanga amabuuku ayengi nganshi pafintu ifyacitika. Nombamba, ico cishinka, Munyina Vayle.

¹¹⁸ Nkafilwa; Ndi muntu. Ndi kafilwa, icakubalilapo, kabili icakupyanishapo icabipa kumubomfi wakwa Kristu. [Tapali amashiwi pali tepu—Kale.]

¹¹⁹ [Munyina Vayle atila, “Border Merrell?”—Kale.] M-e-r-r-e, imiku ibili ba l. [“Nacitontonkanya ukutil ni cilya kulya lubali. Ee.”] Bushe efyonse ifilipo, ifi nombamba? [“Nail aciba ni N-e-i-l?”] N-a-i-l. [“Brace, B-r-a-c-e?”] B-r-a-c-e, Ad, Ad Brace. [“Nombamba Ndetontonkanya ukutila Nayawata yonse. Pali miniti fye. Graham Shelling?”] Graham, G-r-a-h-a-m. [“Iyo ni ‘n’ kulya.”] S-n-e, imiku ibili ba l, i-n-g. [“Oh, Snelling. Nombamba twaikwata.”] 

60-0930 Ifimonwa Fya Kwa William Branham
Campaign Office
Jeffersonville, Indiana U.S.A.

BEMBA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org